

PROCESVERBAL – Tipi i kontratës - Mall

**PËR ARGUMENTIMIN DHE MIRATIMIN E SPECIFIKIMEVE TEKNIKE DHE
KRITEREVE PËR KUALIFIKIM**

(Ky procesverbal është për efekt publikimi bashkë me dokumentet e tenderit)

OBJEKTI I PROCEDURËS:

“Blerje materiale të imta”

KODI PËRKATËS NË FJALORIN E PËRBASHKËT TË PROKURIMIT (CPV):

39511100-8, 39512000-4, 39512100-5, 39512500-9.

VLERA E FONDIT LIMIT:

Fondi Limit total: “Blerje materiale të imta” – Fondi total – 15,308,000 (pesëmbëdhjetë milion e treqind e tetë mijë) lekë pa T.V.SH ose 163,442.24 (njëqind e gjashtëdhjetë e tre mijë e katërqind e dyzetë e dy pikë njëzetë e katër) EURO .

KURSI KEMBIMIT 93.66 ALL/EURO, sipas kursit të Bankës së Shqipërisë, datë 28.07.2026

Në bazë të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik”, autoriteti/enti kontraktor Drejtoria e Përgjithshme e Çerdheve dhe Kopshteve ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

I. KRITERET E VEÇANTA TË KUALIFIKIMIT

1. Ofertuesi duhet të paraqesë:

a. *Formularin Përmbledhës të Vetëdeklarimit, sipas Shtojcës 9;*

(Të plotësohet çdo nënseksion i Deklaratës për përmbushjen e kriterëve të përgjithshme të kualifikimit, Pjesa III Kriteret e Përzgjedhjes/Kualifikimit, si dhe çdo seksion tjetër sipas udhëzimeve të APP);

b. Sigurimin e Ofertës, sipas Shtojcës 4;

(Sigurimi i Ofertës duhet të jetë i vlefshëm nga data e zhvillimit të procedurës përgjatë gjithë afatit të vlefshmërisë së ofertës sipas seksionit 3, pika 3.2 të Njoftimit të kontratës (ose 150 ditë nga data e hapjes së procedurës)

Argumentimi: *Kërkesat e mësipërme bazohen në nenet 76, 82 dhe 83 të LPP i ndryshuar, nenit 26, të VKM nr. 285, datë 19.05.2021 “Për miratimin e rregullave të prokurimit publik” i ndryshuar.*

2. Kandidati/Ofertuesi duhet të dorëzojë:

2.2. Kapaciteti ekonomik dhe financiar:

2.2.1. Vërtetim nga organet tatimore, për xhiron vjetore për 3 vitet e fundit financiare, 2023, 2024, 2025 ku vlera e xhiros për të paktën një nga vitet e periudhës së kërkuar duhet të jetë jo më e vogël se vlera e përlogaritur e fondi limit.

Argumentimi: *Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3, e LPP i ndryshuar, si dhe nenin 43, të VKM nr. 285, datë 19.05.2021 “Për miratimin e rregullave të prokurimit publik” i ndryshuar.*

Përcaktimi i vlerës së kërkuar argumentohet si më poshtë:

Në përcaktimin e vlerës së xhiros autoriteti kontraktor është referuar në pikën 2, gërma (c) të Nenit 43, Seksioni III të VKM nr.285, datë 19.05.2021 “Për miratimin e rregullave të prokurimit publik”.

Shënim: Duke qenë se aktet ligjore dhe nënligjore parashikojnë një marzh për vlerën e xhiros që mund të kërkohej, autoritetet/entet kontraktore duhet të argumentojnë vlerën e kërkuar të xhiros brenda këtij marzhi.

Përcaktimi i viteve të kërkuara për paraqitjen e vërtetimit të xhiros vjetore është bërë bazuar në Ligjin nr. 8438, datë 28.12.1998 "Për tatimin mbi të ardhurat", i ndryshuar, Udhëzimit të Ministrit të Financave nr.5, datë 30.01.2006, "Për tatimin mbi të ardhurat", i ndryshuar, VKM-së nr. 922 datë 29.12.2014 "Për deklarin e detyrueshëm të deklaratave tatimore dhe të dokumenteve të tjera tatimore, vetëm nëpërmjet formes elektronike".

(Shënim: citoni dispozitën përkatëse të legjislacionit tatimor, ku përcaktohen afatet për paraqitjen nga tatimpaguesit të deklaratës vjetore pranë organeve tatimore).

2.3 Aftësitë teknike dhe profesionale:

2.3.1 Operatori Ekonomik duhet te paraqese deshmi per furnizimet e meparshme, te ngjashme, te kryera gjate 3 (tre) viteve te fundit, nga data e shpalljes së njoftimit të kontratës ne nje vlere jo me te vogel se 40% e vleres se perlllogaritur te kontrates, qe prokurohet dhe qe eshte realizuar gjate tre viteve te fundit.

- Operatori ekonomik per te vertetuar pervojen e meparshme te realizuar me sektorin publik, duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës ose/dhe fatura tatimore të shitjes, sipas kërkesave të legjislacionit në fuqi, dhe të deklaruar në organet tatimore, ku shënohen datat, shumat dhe sasisë e mallrave të furnizuara.
- Operatori Ekonomik per te vertetuar pervojën e mëparshme të realizuar me sektorin privat, duhet të paraqesë fatura tatimore të shitjes, sipas kërkesave të legjislacionit në fuqi, dhe të deklaruar në organet tatimore, ku shënohen datat, shumat dhe sasisë e mallrave të furnizuara.

Argumentimi: *Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” i ndryshuar dhe nenit 40, pika 4 (ose në rastin e procedurave të thjeshtuara në nenin 55, pika 4/b), të VKM nr. 285, datë 19.05.2021 “Për miratimin e Rregullave të Prokurimit Publik” i ndryshuar. Me anë të këtij kriteri kërkohet që operatorët ekonomikë të dëshmojnë që kanë pervojën e nevojshme për të zbatuar kontratën, prandaj është kërkuar që furnizimet e mëparshme të ngjashme të jenë ne vlerën jo më pak se 40 % të vlerës së se perlllogaritur te kontrates, që është brenda vlerës kufi të përcaktuar në nenin e sipërcituar.*

Përcaktimi i vlerës së kërkuar për kontratat e ngjashme argumentohet si më poshtë:

Referuar nenit 40, pika 4e VKM nr.285 datë 19.05.2021 “Për miratimin e Rregullave të Prokurimit Publik” është përcaktuar që shërbimet e mëparshme të ngjashme të jenë ne vlerën jo më pak se 40 % të vlerës së perlllogaritur te kontrates, për të vërtetuar aftësitë teknike të OE me qëllim përmbushjen nevojave të AK.

Shënim: Duke qenë se aktet ligjore dhe nënligjore parashikojnë një marzh për vlerën e kontratave të ngjashme që mund të kërkohet, autoritete/entet kontraktore duhet të argumentojnë vlerën e kërkuar të kontratave të ngjashme brenda këtij marzhi.

2.3.2 Operatori Ekonomik duhet të paraqesë vetdeklarimin sipas shtojcës 9 të DST, Formulari Përmbledhës i Vetdeklarimit, ku të deklarojë se disponon **1 (një) automjet** i përshtatshëm me masë maksimale të autorizuar jo më shumë se 3.5 ton, per transportin e produkteve objekt prokurimi, ne pronësi ose ne perdorim, në momentin e deklarimit si dhe përgjatë gjithë periudhës së zbatimit të kontratës.

Operatori ekonomik i klasifikuar i pari, **përpara publikimit të njoftimit të fituesit dhe nisjes së afateve të ankimit**, duhet të paraqesë dokumentacionin që disponon 1 (një) automjet, ne pronësi ose ne perdorim sipas kontrates noteriale, te vertetuar me:

- leje qarkullimi,
 - siguracion (TPL)
 - çertifikatë e kontrollit teknik
- Në rastin kur automjeti është me qera, të paraqesë kontratën noteriale përkatëse si dhe dokumentat e kërkuara të automjetit.

Argumentimi: - *Kriteri që OE ofertues duhet të disponojë një automjet i përshatshëm për transportin e mallarve objekt prokurimi, është në funksion të zbatimit të kontratës. Gjatë zbatimit të kontratës, OE fitues në bazë të grafikut të lëvrimit, do të transportojë me automjetet e veta mallrat e kërkuar, në magazinën e DPÇK.*

2.3.3 Operatori Ekonomik duhet të jetë i pajisur, me çertifikatë për sistemin e menaxhimit të cilësisë SSH EN ISO 9001:2015 ose ekuivalente me të, të vlefshme e lëshuar nga një organ i akredituar, ku objekti i ISO të ketë lidhje me fushën e veprimtarisë objekt prokurimi.

Argumentimi: *Kriteri që OE ofertues duhet të paraqesë Çertifikatën SSH EN ISO 9001:2015 ose ekuivalente të saj, të vlefshme, për tregtimin e produkteve, konsiston në kërkesën që ai duhet të zotërojë “Sistemin e menaxhimit të cilësisë” së produkteve që ai tregëton. Referuar Drejtorisë së Përgjithshme të Standardizimit, “SSH ISO 9001:2015 specifikon kërkesat për një sistem të menaxhimit të cilësisë ku OE i duhet të demonstrojë aftësinë e tij për të ofruar produkte që plotësojnë kërkesat e AK dhe kërkesat e zbatueshme ligjore dhe rregullative si dhe ka për qëllim të rrisë kënaqësinë e konsumatorit nëpërmjet zbatimit efektiv të sistemit, duke përfshirë proceset për përmirësimin e vazhdueshëm të sistemit dhe sigurimin e konformitetit ndaj klientit dhe të kërkesave të zbatueshme ligjore dhe rregullative”*

2.3.4 OE ekonomik ofertues do të plotësojë deklaratën mbi origjinën e mallrave objekt prokurimi, për të gjithë artikujt, e cila do të jetë pjesë e zbatimit të kontratës, si më poshtë vijon:

Nr.	Emërtimi i artikujve	Origjina e mallit (prodhuesi)
1.	Seti i basmës	
2.	Çarçaf shtrati i poshtëm (basme)	
3.	Çarçaf shtrati i sipërm (basme) Këllëf jastëku (basme)	
4.	Seti i fanellatës	
5.	Çarçaf i sipërm (fanellate) Çarçaf i poshtëm (fanellate)	

____ Adresa: Rruga “Barrikadave”, KodiPostar 1001, tel.:+355 42222991, ëeb: femijetetiranes.al, email:femijet@tirana.al_____

6.	Këllëf jasteku (fanellate)	
7.	Jastëk	
8.	Batanije për fëmijë	
9.	Peshqire	
10.	Mbulesa tavoline	
11.	Dyshekë krevati	

Argumentim: Kriteri që OE duhet të paraqesë një vetdeklarim mbi origjinin (prodhuesin) e secilit artikull është hartuar me qëllim që AK të bëjë lidhjen mes produkteve që ofrohen, raport testimeve, certifikimeve OEKO TEX dhe GOTS, si dhe stampës së secilit artikull gjatë zbatimit të kontratës, duke u siguruar kështu për cilësinë e artikujve dhe përmbushjen e specifikimeve teknike.

2.3.5 Për artikujt e listës së mëposhtme OE duhet të **deklarojë** se disponon dëshmi për rezultatet e testimeve zyrtare “Raport testim”, ku të jenë analizuar të gjithë treguesit teknikë të kërkuar në specifikimet teknike, të kryera nga institucione të akredituara, që vërtetojnë pajtueshmërinë e produkteve me specifikimet teknike.

Operatori ekonomik i klasifikuar i pari, **përpara publikimit të njoftimit të fituesit dhe nisjes së afateve të ankimit**, duhet të paraqesë raport analizat e sipërpërmendura.

Në Raport-testimin e produktit duhet të identifikohet qartë prodhuesi i tij, i cili duhet të përputhet me prodhuesin e stampuar në secilin produkt dhe atë të deklaruar sipas kriterit 2.3.4.

Raport-testimi i këtyre produkteve nga laboratorit përkatës duhet të lëshohet duke i bashkëngjitur një copë të prerë nga produkti i cili është testuar. Kjo copë lidhet me raport testimin nëpërmjet vulës së laboratorit. Copa e përdorur për artikullin që do të lëvrohet dhe ajo që i bashkëngjitet Raport-testimit duhet të jenë detyruesisht të njëjta.

Me qëllim verifikimin se **copa e përdorur për artikullin që do të lëvrohet gjatë zbatimit të kontratës dhe ajo që i bashkëngjitet Raport-testimit është e njëjtë**, analizat e paraqitura duhet të jetë **origjinale**.

1	Çarçaf shtrati i poshtëm (basme)	1 Raport analizë për setin
2	Çarçaf shtrati i sipërm (basme)	
3	Këllëf jastëku (basme)	
4	Çarçaf i sipërm (fanellate)	1 Raport analizë për setin
5	Çarçaf i poshtëm (fanellate)	
6	Këllëf jasteku (fanellate)	
7	Jastëk	1 raport analizë
8	Batanije për fëmijë	1 raport analizë

9	Peshqire	1 raport analizë
10	Mbulesa tavoline	1 raport analizë
11	Dyshekë krevati	1 raport analizë

Argumentimi: Kriteri që OE duhet të paraqesë një vetdeklarim në lidhje me dëshmitë për rrezultatet e testimeve zyrtare, “Raport Testime”, ku të jenë analizuar të gjithë treguesit teknikë të kërkuar në specifikimet teknike, të kryera nga institucione të akredituara, është vendosur për të vërtetuar që produktet që ofron OE plotësojnë, teknikisht, të gjithë treguesit e përcaktuar në specifikimet teknike të AK.

Kërkesa që në raport testim duhet të evidentohet qartë prodhuesi është vendosur për të bërë lidhjen mes artikullit të analizuar dhe artikullit që do të lëvrohet gjatë zbatimit të kontratës, kjo pasi OE ofertues nuk mund të jetë domosdoshmërisht prodhues i artikujve. Gjithashtu AK sigurohet për vetdeklarimin e kryer nga OE ofertues sipas kriterit 2.3.4.

Raport-testimi i këtyre produkteve nga laboratorit përkatës duhet të lëshohet duke i bashkëngjitur një copë të prerë nga produkti i cili është testuar. Kjo copë lidhet me raport analizën nëpërmjet vulës së laboratorit. Copa e përdorur për artikullin që do të lëvrohet, dhe ajo që i bashkëngjitet Raport-Analizës duhet të jenë detyrimisht të njëjta. Për arsyet e mësipërme analiza duhet të paraqitet origjinale në momentin e dorëzimit të dokumentacionit provues pranë AK

2.3.6 OE duhet të paraqesë një vetdeklarim, ku të deklarojë se:

- Të gjithë produktet objekt prokurimi janë të pajisur me certifikatat e shëndetit dhe mbrojtjes së ambientit STANDARD 100 nga OEKO-TEX®, sipas klasës përkatëse për secilin produkt;
- Të gjitha produktet fanellatë, janë të pajisur me certifikatat e shëndetit dhe mbrojtjes së ambientit STANDARD 100 nga OEKO-TEX®, sipas klasës përkatëse dhe Standardin global të tekstitit organik (GOTS) referuar Shtojcës nr. 6 të DST “Specifikime teknike”, si dhe katalogut të OBP për “Blerje materiale të buta”.

Operatori ekonomik i klasifikuar i pari, **përpara publikimit të njoftimit të fituesit dhe nisjes së afateve të ankimit**, duhet të paraqesë certifikatat e sipërpërmendura.

Argumentimi: Në lidhje me kërkesën e OE për paraqitjen e certifikateve STANDARD 100 nga OEKO-TEX® dhe GOTS, AK i është referuar katalogut të publikuar nga APP, si dhe duke marrë në konsideratë faktin që artikujt objekt prokurimi përdoren nga fëmijë të moshës 6 muaj deri në 6 vjeç, ky certifikim është një nga etiketat më të njohura në botë për tekstile të testuara për substanca të dëmshme. Ai përfaqëson besimin e klientit dhe sigurinë e lartë të produktit. Nëse një produkt tekstili mban etiketën STANDARD 100, mund të sigurohemi se çdo përbërës i këtij produkti,

d.m.th., çdo fije, buton dhe aksesori të tjerë, është testuar për substanca të dëmshme dhe se si rrjedhim produkti është i padëmshëm për shëndetin e fëmijëve.

Argumentim për hartimin e specifikimeve teknike:

Përgatitja e specifikimeve teknike të artikujve objekt i këtij prokurimi, është hartuar referuar dhe në zbatim të:

- Vendimit nr. 1058 datë 23.12.2015 Për miratimin e rregullit teknik “Mbi emrat e fibrave tekstile dhe etiketimi e markimi përkatës i përbërjes së fibrave të produkteve tekstile”,
- Udhëzimit nr. 4 datë 25.08.2016 “Për përcaktimin e kriterëve ekologjike për dhënien e ekoetiketës për produktet tekstile”
- Katalogut të publikuar në APP “Blerje materiale të buta dhe veshëmbathje”, miratuar nga OBP me urdhërin nr. 80 datë 22.04.2025,
- Përvojës së AK gjatë shërbimit në çerdhe dhe kopshte në lidhje me përmasat (duke ju referuar përmasave të krevatëve apo seteve ekzistuese) dhe cilësisë së kërkuar (duke ju referuar rezistencës pas larjeve, përdorimit të shpeshtë dhe ruajtjes së standardeve të higjenes, shëndetit dhe mirërritjes së fëmijëve të moshës 6 muaj deri në 6 vjeç).

Përshkrimi i artikujve në specifikimet teknike është përcaktuar duke patur parasysh specifikat në përdorimin e secilit prej tyre për çerdhet dhe kopshtet për të siguruar cilësinë e kërkuar në raport me natyrën e përdorimit të tyre, si dhe katalogun e OBP për materialin dhe cilësinë.

Këtu është patur parasysh se artikujt çarçafë, jastëk, batanije, peshqirë dhe dyshekë janë artikuj të cilët do të përdoren në çerdhet dhe kopshtet për fëmijë të grup-moshave nga 6 muaj deri në 6 vjeç.

Dimensionet, përmasat e çarçafëve dhe dyshekëve janë vendosur në raport me përmasat e krevatëve duke krijuar përshtatshmërinë e nevojshme midis çarçafëve, kllëfave të jastëkve, dyshekëve dhe batanijeve.

Dimensionet e mbulesave të tavolinës janë vendosur duke i përshatur ato me përmasat e tavolinave që aktualisht kanë çerdhet dhe kopshtet.

Për hartimin e specifikimeve teknike të dyshekut për fëmijë:

AK i ka konceptuar kërkesat për plotësimin e standardeve për tre përberësit kryesorë të dyshekut që janë:

1) *Struktura e brendshme e dyshekut*, 2) *Materiali veshës i dyshekut* dhe 3) *këllëfi i jashtëm veshës kundra ujit*.

Për strukturën e brendshme të dyshekut është kërkuar lloji i materialit përbërës shkume poliuretani, material i cili është më i përshatshëm për përdorim për fëmijë.

Për materialin veshës i dyshekut, karakteristikat e materialit veshës së dyshekut janë hartuar duke marrë në konsideratë karakteristikat stinore. Konkretisht i përshtatshëm për stinën e verës (të nxehtin) dhe stinën e dimrit (të ftohtin).

Ndërsa për shtresën e jashtme të dyshekut është kërkuar që të jetë rezistente ndaj ujit, i lashem në lavatrice në 40°C, rezistent deri në mbi 200 larje, duke synuar së pari ruajtjen e higjenes sa më shumë të jetë e mundur dhe së dyti me qëllim efikasitetin në përdorim afatgjatë.

Në lidhje me artikujt çarçaf të poshtëm (basëm dhe fanellatë), kërkesa që artikulli të ketë qepje me llastik nga të katërta anët, është vendosur duke patur parasysh përdorimin në çerdhe dhe kopshte, çarçafi duhet të jetë i palëvizshëm, të mos rrëshqasë sipër dyshekut dhe të jetë i rehatshëm për fëmijët.

Në lidhje me dizenjot e artikujve, AK ka marrë në konsideratë qëllimin e përdorimit të tyre në çerdhe dhe kopshte, duke krijuar një ambient të përshtatshëm dhe miqësor për fëmijërinë e hershme.

Në lidhje me kërkesën për stampën dhe etiketën e prodhuesit, AK argumenton se ky element siguron AK për lidhjen e artikullit me prodhuesin. Në funksion të zbatimit të kontratës dhe kriterëve teknike (raport testimi për produktin), AK do të sigurohet që gjatë gjithë zbatimit të kontratës do të lëvrohet produkti (i etiketuar/stampuar) i të njëjtit prodhues që është deklaruar nga OE dhe për të cilin është paraqitur raporti i testimit përkatës, gjatë kohës së dorëzimit të ofertave.

Argumentim mbi hartimin e Fondit Limit:

Fondi limit është përcaktuar referuar:

Për përcaktimin e fondit limit, Komisioni është bazuar në kriteret e mëposhtme:

1. Informacionit për sasi të nevojshme për vitin 2026 i cili argumentohet si më poshtë:
 - Nevojat për furnizimin me këto artikuj të kopshteve dhe çerdheve të reja që parashikohet të hapen nisur nga informacioni (me e-mail zyrtar) i datës 05.11.2025, i Drejtorisë së Buxhetit, Bashkia Tiranë ku parashikohen Investime në vazhdim, planifikuar për t'u ndertuar dhe hapur kopshte dhe çerdhe të cilat janë pjesë e buxhetit të vitit 2025 dhe do të vijojnë në vitin 2026.
 - Nevojat aktuale që kanë çerdhe dhe kopshtet për zëvendësimin e këtyre artikujve të cilët janë shumë të përdorur dhe që duhen zëvendësuar me artikuj të rinj, në zbatim të normativave të konsumit të tyre.
 - Gjendja aktuale e magazinës për këto artikuj.
2. Çmimi është përcaktuar nga mesatarja e çmimeve që del bazuar në Proces - Verbalin e Testimit të Tregut, bashkëlidhur ofertat e OE që operojnë në treg për këtë objekt prokurimi.

3. Fondit të miratuar nga Bashkia Tiranë.

Kujdes: Në specifikimet teknike, nëse nuk e justifikon objekti i kontratës, nuk duhet të përmendet asnjë markë prodhimi ose burim specifik apo proces i veçantë, që karakterizon produktet ose shërbimet e ofruara nga një operator ekonomik specifik apo asnjë markë tregtare, patentë, tipi ose origjinë apo prodhim specifik, me qëllim favorizimin ose eliminimin e disa sipërmarrjeve ose produkteve. Një gjë e tillë lejohet vetëm në raste përjashtimore kur nuk ekziston një mënyrë e mjaftueshme, e saktë apo e kuptueshme e përshkrimit të objektit të kontratës, sipas pikës 3 të nenit 36, të LPP. Referime të tilla duhet të shoqërohen nga fjalët “ose ekuivalente”.